

# Møteprotokoll

**Utval:** Nærøyfjorden verneområdestyre  
**Møtestad:** Styvi  
**Dato:** 07.06.2016  
**Tidspunkt:** 10:00 – 15:00

## Følgjande faste medlemmar møtte:

Namn	Funksjon	Representerer
Noralv Distad	Leiar	AUR
Jan Geir Solheim	Medlem	LÆR
Gunn Åmdal Mongstad	Medlem	SFFK
Iiril Schau Johansen	Medlem	HOFK

## Følgjande medlemmar meldte forfall:

Namn	Funksjon	Representerer
Olav Turvoll	NESTL	VIK
Björg Djukastein	MEDL	VOSS

---

## Merknader

Møtet vart avvikla på Styvi Gard etter synfaring på postvegen frå Bleiklindi til Styvi. Grunneigarane på Styvi orienterte om skjøtselsarbeidet som vart utført i landskapsvernområde Styvi – Holmo, og utfordringar knytt til faren for flaum i Styviselva.

## Frå administrasjonen møtte:

Namn	Stilling
Anbjörg Nornes	Forvaltar/sekretær

## Andre:

Kristoffer Ullern Hansen                      SNO Aurland  
Magnhild Aspevik                                Landbrukssjef Årdal, Lærdal, Aurland

## Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Elektronisk signert av:

Noralv Distad      Iiril Schau Johansen

## Saksliste

Utvals- saksnr	Innhald	Lukka	Arkiv- saksnr
ST 13/16	Godkjenning av innkalling og dagsorden		
ST 14/16	Val av eit styremedlem til å skrive under protokoll		
ST 15/16	Nærøyfjorden landskapsvernområde - uttak av stein til restaurering av mur på Øvste Stigen, og motorferdsle i samband med arbeidet		2015/3832
ST 16/16	Nærøyfjorden landskapsvernområde - oppføring av hytte på Horten		2015/4116
ST 17/16	Nærøyfjorden landskapsvernområde – utedo ved gapahuken på Hovdungo i Undredal		2014/730
DS 4/16	Nærøyfjorden landskapsvernområde - løyve til landing med helikopter på Nedbergo i samband med restaureringsarbeid		2014/1980
DS 5/16	Nærøyfjorden landskapsvernområde - utvida løyve for landing med helikopter på Nedbergo i samband med restaureringsarbeid		2014/1980
DS 6/16	Nærøyfjorden landskapsvernområde - dispensasjon til landing med helikopter ved Grindaflethytta		2014/1745
DS 7/16	Nærøyfjorden landskapsvernområde - løyve til utbetring av bru i Stordalen og helikoptertransport i samband med arbeidet		2014/1745
DS 8/16	Nærøyfjorden landskapsvernområde - løyve til landing med helikopter på Øvste Stigen		2015/3832
DS 9/16	Nærøyfjorden landskapsvernområde - løyve til landing med helikopter på Nedste Stigen		2016/1844
RS 7/16	Nærøyfjorden verneområdestyre - Delegering av vedtaksmynde til forvaltar		2014/4672
RS 8/16	Kunnskapsanalyse om sårbare naturverdiar i verneområde i Nærøyfjordområde		2014/45
RS 9/16	Referat frå møte i Verdsarvrådet 29.-30.03.2016		2013/3387

Møteplan for Nærøyfjorden verneområdestyre 2. halvår 2016  
Neste møte er 5. september 2016.

### RS 8/16 Kunnskapsanalyse om sårbare naturverdiar i verneområde i Nærøyfjordområde

Forvaltar orienterte om arbeidet med sårbarheitsanalysen. NINA har fått oppdraget med å gjennomføra sårbarheitsanalysen gjennom avtale med Miljødirektoratet. Område som er valt ut for sårbarheitsanalyse i dette området er ilandstigningsplassar for

båtturistar i Nærøyfjorden, tursti i Stalheimskleiva og sti frå Slettedalen i Jordalen til Bakkanosi. Område er valt ut på bakgrunn av gjesteundersøking og potensiale for auka bruk som turområde.

Forvaltar arbeider vidare med forprosjekt for kartlegging av skader forårsaka av bølgeerosjon i strandsona relatert til kva som skapar bølgene (båttypar, fart m.m). Det bør vurderast om utredninga kan gjennomførast i samarbeid med båtoperatørane på Nærøyfjorden.

## **ST 13/16 Godkjenning av innkalling og dagsorden**

### **Saksprotokoll i Nærøyfjorden verneområdestyre - 07.06.2016**

#### **Vedtak**

Innkalling og dagsorden med sakliste utsendt 3. juni 2016 vart godkjent.

## **ST 14/16 Val av eit styremedlem til å skrive under protokoll**

### **Saksprotokoll i Nærøyfjorden verneområdestyre - 07.06.2016**

#### **Vedtak**

Iril Schau Johansen vart valt til å skriva under møteprotokoll 07.06.2016 saman med styreleiar.

## **ST 15/16 Nærøyfjorden landskapsvernområde - uttak av stein til restaurering av mur på Øvste Stigen, og motorferdsle i samband med arbeidet**

### **Saksprotokoll i Nærøyfjorden verneområdestyre - 07.06.2016**

#### **Handsaming i møte**

Verneområdestyret er kjent med at det vert nytta 12-15 m<sup>3</sup> med Glasopor til drenering bak bakkemuren på Stigen. Glasopor er eit miljøvenleg produkt av resirkulert glas.

Vedtak i samsvar med innstilling frå forvaltar.

#### **Vedtak**

Nærøyfjorden verneområdestyre gjev Ottar Stegen løyve til uttak av stein bak låven på Øvste Stigen til restaurering av mur. Løyvet er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrst ledd og fyrste alternativ, og gjeld med fylgjande vilkår:

- Uttaket skal avgrensast til steinura på baksida av låven
- Gravearbeidet skal avgrensast til det som er naudsynt for å ta ut stein til muren

- Området bak låven skal ikkje planerast eller såast til etter uttaket av stein er avslutta. Eventuelle køyrespor på innmarka skal såast til
- Torv og jord skal takast vare på og leggjast tilbake i steinura. Området skal ha naturleg uorden etter uttaket
- Uttak av stein og tilordning av området skal avsluttast i 2016. Det skal sendast rapport med bilde til sekretariatet når arbeidet er slutført, og seinast 01.12.2016.

### Motorferdse

Nærøyfjorden verneområdestyre gjev Ottar Stegen løyve til landing med helikopter på innmarka på Øvste Stigen for transport av gravemaskin, materiale og utstyr i samband med restaureringsarbeidet. Det kan nyttast gravemaskin og beltetrillebor til arbeidet med uttak av stein og restaurering av muren. Løyvet er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ, og gjeld med fylgjande vilkår:

- Transporten kan gjennomførast i tidsrommet frå og med 13. juni til og med 15. juli 2016 med inntil 15 landingar på Øvste Stigen. Landingane skal gjennomførast på inntil 3 dagar i løyveperioden
- Transporten skal avgrensast til det som er naudsynt
- Det skal sendast melding til Statens Naturoppsyn (SNO) v/Kristoffer Ullern Hansen (tlf. 97097720) seinast dagen før transporten tek til. Han vil gje melding om det må takast særskilt omsyn til naturmiljøet under transporten
- Det skal sendast rapport med tal flygingar og dagar med transport til sekretariatet innan 01.12.2016

## **ST 16/16 Nærøyfjorden landskapsvernområde - oppføring av hytte på Horten**

### **Saksprotokoll i Nærøyfjorden verneområdestyre - 07.06.2016**

#### **Handsaming i møte**

Det vart lagt fram alternativ innstilling til vedtak i møte:

Nærøyfjorden verneområdestyre gjev Svenn Vidar Stegen løyve til å bygga fritidshus på Horten i Nærøyfjorden landskapsvernområde. Løyvet vert gjeve med heimel i naturmangfaldlova § 48 fyrste ledd og fyrste alternativ, og gjeld med fylgjande vilkår:


- Bygget skal plasserast utanfor tunet på Horten som vist på kartet i saka. Arealet på bygget kan vera inntil 28 m<sup>2</sup> inklusiv tilbygg for utedo.
- Bygget skal tilpassast i landskapet utan store inngrep i terrenget. Bygget skal vera utforma som ei tradisjonell stove med 1 etasje etter lokal tradisjonell byggestil. Dette gjeld takvinkel, vindaug og dører. Huset skal ha liggjande ukanta kledning av tre-materiale med god kvalitet, slik at bygget kan stå umåla. Bygget kan setjast på pålar, men skal ha blendingsmur av stein. Taket kan vera av torv, gamaldags galvanisert bølgeblekk, eller tre-materiale
- Bygningsrestar og avfall skal fjernast straks byggearbeidet er avslutta
- Løyve til oppstart av tiltaket gjeld i 3 år frå vedtaksdato. Tiltakshavar skal senda rapport med bilde til sekretariatet når tiltaket er gjennomført. Bygget kan sluttgodkjennast etter synfaring med representant frå verneområdestyret

Saka er vurdert etter naturmangfaldlova §§ 8 – 12. Styret viser til saksinnstillinga frå forvaltar for naturmangfaldlova (nml.) §§ 8 og 9. Dette tiltaket er særskilt i dette området ved at det er ein stor eigedom (ca. 2000 daa) utan bygningar. Oppføring av

bygning vert vurdert som naudsynt for å ha godt tilsyn med eigedomen og kunna vedlikehalda stiar i området. Det er lite sannsynleg at det kjem tilsvarande søknader i dette verneområdet, og tiltaket vil lite truleg gje presedens. Tiltaket er vurdert som eit skånsamt inngrep, og det vil ikkje vera føra til stor belastning på naturmiljøet jf. nml. § 10 i naturmangfaldlova. Kostnad med eventuelle miljøforringing skal berast av tiltakshavar jf. nml. § 11. Styret ynskjer at dette området skal kunne takast meir i bruk, og meiner plasseringa ikkje fører til skade på naturmangfaldet jf. § 12 i nml. om vurdering av lokalisering. Tiltaket er vurdert til ikkje å føra til nemneverdig skade på verneverdiane, og ikkje i strid med verneformålet. Med denne bakgrunn er det gjeve løyve til tiltaket etter naturmangfaldlova § 48.

Dette løyvet gjeld berre tilhøva etter verneforskrifta. Det må i tillegg søkjast om løyve etter plan- og bygningslova frå Aurland kommune.

Tiltakshavar har plikt til å vise varsemd og til å straks melde frå til Sogn og Fjordane fylkeskommune ved kulturavdelinga dersom ein under arbeidet skulle støyte på automatisk freda kulturminne, jf. § 8.2.ledd i Lova om kulturminne.



*Plassering av nytt bygg.*

Resultatet frå avrøystinga vart ei stemme for innstilling frå forvaltar og 3 stemmer for framlegg til vedtak lagt fram i møte.

## **Vedtak**

Nærøyfjorden verneområdestyre gjev Svenn Vidar Stegen løyve til å bygga fritidshus på Horten i Nærøyfjorden landskapsvernområde. Løyvet vert gjeve med heimel i naturmangfaldlova § 48 fyrste ledd og fyrste alternativ, og gjeld med fylgjande vilkår:


- Bygget skal plasserast utanfor tunet på Horten som vist på kartet i saka. Arealet på bygget kan vera inntil 28 m<sup>2</sup> inklusiv tilbygg for utedo.
- Bygget skal tilpassast i landskapet utan store inngrep i terrenget. Bygget skal vera utforma som ei tradisjonell stove med 1 etasje etter lokal tradisjonell byggestil. Dette gjeld takvinkel, vindaug og dører. Huset skal ha liggjande ukanta kledning av tre-materiale med god kvalitet, slik at bygget kan stå umåla. Bygget kan setjast på pålar, men skal ha blendingsmur av stein. Taket kan vera av torv, takplater av stål med gamal profil, eller tre-materiale

- Bygningsrestar og avfall skal fjernast straks byggearbeidet er avslutta
- Løyve til oppstart av tiltaket gjeld i 3 år frå vedtaksdato. Tiltakshavar skal senda rapport med bilde til sekretariatet når tiltaket er gjennomført. Bygget kan sluttgodkjennast etter synfaring med representant frå verneområdestyret

Saka er vurdert etter naturmangfaldlova §§ 8 – 12. Styret viser til saksinnstillinga frå forvaltar for naturmangfaldlova (nml.) §§ 8 og 9. Dette tiltaket er særskilt i dette området ved at det er ein stor eigedom (ca. 2000 daa) utan bygningar. Oppføring av bygning vert vurdert som naudsynt for å ha godt tilsyn med eigedomen og kunna vedlikehalda stiar i området. Det er lite sannsynleg at det kjem tilsvarande søknader i dette verneområdet, og tiltaket vil lite truleg gje presedens. Tiltaket er vurdert som eit skånsamt inngrep, og det vil ikkje vera føra til stor belastning på naturmiljøet jf. nml. § 10 i naturmangfaldlova. Kostnad med eventuelle miljøforringing skal berast av tiltakshavar jf. nml. § 11. Styret ynskjer at dette området skal kunne takast meir i bruk, og meiner plasseringa ikkje fører til skade på naturmangfaldet jf. § 12 i nml. om vurdering av lokalisering. Tiltaket er vurdert til ikkje å føra til nemneverdig skade på verneverdiane, og ikkje i strid med verneformålet. Med denne bakgrunn er det gjeve løyve til tiltaket etter naturmangfaldlova § 48.

Dette løyvet gjeld berre tilhøva etter verneforskrifta. Det må i tillegg søkjast om løyve etter plan- og bygningslova frå Aurland kommune.

Tiltakshavar har plikt til å vise varsemnd og til å straks melde frå til Sogn og Fjordane fylkeskommune ved kulturavdelinga dersom ein under arbeidet skulle støyte på automatisk freda kulturminne, jf. § 8.2.ledd i Lova om kulturminne.



*Plassering av nytt bygg.*

# ST 17/16 Nærøyfjorden landskapsvernområde - utedo ved gapahuken på Hovdundo i Undredal

## Saksprotokoll i Nærøyfjorden verneområdestyre - 07.06.2016

### Handsaming i møte

Vedtak i samsvar med innstilling frå forvaltar.

### Vedtak

Nærøyfjorden verneområdestyre gjev Stig Arne Borlaug løyve til oppføring av utedo ved gapahuken ovanfor Hovudungo i Undredal. Tiltaket skal oppførast i samband med bruk av gapahuken.

Løyvet vert gjeve med heimel i naturmangfaldlova § 48 fyrste ledd og fyrste avsnitt, og gjeld med fylgjande vilkår:

- Utedoen skal plasserast i steinura ca. 50-60 meter sør for gapahuken
- Tiltaket skal tilpassast i landskapet utan store inngrep i terrenget. Stein frå steinura skal nyttast til muring av tre vegger. Høgda kan vera ca. 1,5 meter. Taket skal vera av bølgeblekk og leggjast oppå murveggane. Inni murane skal det setjast ei dokasse
- Utedoen skal kunne brukast i perioden 1. juni til 1. oktober. Dokasse skal lagrast i gapahuken når den ikkje er i bruk, og taket skal leggjast på bakken ved sida av muren. Det må leggjast stein oppå takplata for å sikre den mot vind
- Tiltaket skal fjernast av tiltakshavar dersom det har negative konsekvensar for verneverdiane i landskapsvernområdet
- Tiltaket skal fjernast når det ikkje lenger er i bruk. Tiltakshavar skal rydda området, og plassen skal tilbakeførast til mest mogleg naturleg tilstand
- Utedoen skal vera tilgjengeleg for turgåarar i området
- Løyve til oppstart av tiltaket gjeld i 3 år frå vedtaksdato. Tiltakshavar skal senda rapport med bilde til sekretariatet når tiltaket er gjennomført

Dette løyvet gjeld berre tilhøva etter verneforskrifta. Det må i tillegg søkjast om løyve etter plan- og bygningslova frå Aurland kommune.

**DS 4/16 Nærøyfjorden landskapsvernområde - løyve til landing med helikopter på Nedbergo i samband med restaureringsarbeid**

**DS 5/16 Nærøyfjorden landskapsvernområde - utvida løyve for landing med helikopter på Nedbergo i samband med restaureringsarbeid**

**DS 6/16 Nærøyfjorden landskapsvernområde - dispensasjon til landing med helikopter ved Grindaflethytta**

**DS 7/16 Nærøyfjorden landskapsvernområde - løyve til utbetring av bru i Stordalen og helikoptertransport i samband med arbeidet**

**DS 8/16 Nærøyfjorden landskapsvernområde - løyve til landing med helikopter på Øvste Stigen**

**DS 9/16 Nærøyfjorden landskapsvernområde - løyve til landing med helikopter på Nedste Stigen**

**RS 7/16 Nærøyfjorden verneområdestyre - Delegering av vedtaksmynde til forvaltar**

**RS 8/16 Kunnskapsanalyse om sårbare naturverdiar i verneområde i Nærøyfjordområde**

**RS 9/16 Referat frå møte i Verdsarvrådet 29.-30.03.2016**